



STERIS

Tatakelakuan Perniagaan

Tatakelakuan Perniagaan STERIS

Mesej daripada Walt

Rakan Sekutu STERIS

Tatakelakuan Perniagaan STERIS ("Tatakelakuan") ialah asas untuk cara kita berkelakuan sebagai Rakan Sekutu STERIS dan cara kita berinteraksi dengan Pelanggan, pembekal, komuniti kita dan antara satu sama lain. Tatakelakuan ini juga menetapkan butiran tentang cara untuk bertindak jika berlaku pelanggaran terhadap Tatakelakuan. Sempadan ini adalah asas kepada dasar dan prosedur Syarikat, yang melaksanakan lagi garis panduan kelakuan yang sewajarnya untuk menjalankan perniagaan.

Kita semua mempunyai tanggungjawab untuk menyemak dan mematuhi Tatakelakuan, dan kita semua bertanggungjawab untuk bersuara jika kita menyedari tentang aktiviti yang melanggar Tatakelakuan.

Selain itu, kita semua berpeluang membantu untuk menjadikan dunia ini tempat yang lebih baik. Usaha kita melangkaui penyelesaian produk dan perkhidmatan, kerana kita menyedari peranan kita sebagai sebuah syarikat dan individu dalam usaha membantu untuk mewujudkan dunia yang lebih sihat dan lebih selamat, yang termasuk masa depan yang lebih mapan.

Terima kasih atas semua usaha yang telah anda lakukan untuk STERIS dan Pelanggan kita.

Walt

Tatakelakuan Perniagaan STERIS

Kandungan

Mesej daripada Walt.....	2
Misi, Visi dan Nilai-Nilai Kita.....	4
Dasar Etika dan Pematuhan Global.....	5
Tempat Kerja STERIS.....	5
Mematuhi Undang-Undang dan Peraturan.....	5
Interaksi dengan Profesional Penjagaan Kesihatan.....	7
Perhubungan Pihak Ketiga.....	8
Melindungi Aset Syarikat.....	8
Integriti Kualiti dan Pemasaran.....	9
Kesihatan, Keselamatan dan Persekitaran.....	9
Privasi dan Penggunaan Media Sosial.....	10
Tindakan Disiplin dan Talian Bantuan STERIS.....	11
Pelaporan Talian Bantuan Integriti.....	12
Pelaporan Talian Web Integriti.....	14
Rumusan.....	14

Tatakelakuan Perniagaan STERIS

Misi, Visi dan Nilai-Nilai Kita

MISI

Di STERIS, KITA MEMBANTU PELANGGAN KITA MEWUJUDKAN DUNIA YANG LEBIH SIHAT DAN LEBIH SELAMAT dengan menyediakan penyelesaian produk dan perkhidmatan penjagaan kesihatan dan sains hayat yang inovatif di seluruh dunia.

VISI

DIILHAMKAN OLEH USAHA PELANGGAN KITA UNTUK MEWUJUDKAN DUNIA YANG LEBIH SIHAT DAN SELAMAT, dan berpandukan warisan kepimpinan dan inovasi kita, kita berusaha untuk SYARIKAT HEBAT. Bagi STERIS, ini bermakna kita akan membuat perbezaan dengan menyediakan penyelesaian PRODUK DAN PERKHIDMATAN BERTARAF DUNIA untuk Pelanggan kita, TEMPAT YANG SELAMAT DAN MENDATANGKAN KEPUASAN untuk Warga Kerja kita dan PULANGAN YANG UNGGUL untuk Pemegang Saham kita.

NILAI-NILAI

- **PELANGGAN DIUTAMAKAN - SENTIASA.** Pelanggan kita ialah orang yang paling penting dalam perniagaan kita, untuk dilayan dengan penuh hormat. Tiada aktiviti perniagaan, selain keselamatan, adalah lebih penting daripada mendengar, mengetahui dan menyediakan penyelesaian produk dan perkhidmatan unggul kepada Pelanggan kita.
- **PEKERJA - asas.** Kita komited dengan keselamatan dan kejayaan pekerja kita. Kita menjangkakan prestasi setiap orang meningkat secara berterusan dengan inisiatif peribadi dan sokongan yang betul. Kita melayani setiap orang dengan rasa saling hormat-menghormati dan merasai keseronokan dengan kerja kita.
- **INOVASI - terbaik.** Kita adalah pemimpin bukan pengikut. Syarikat kita dibina berdasarkan koleksi idea inovatif dan semangat untuk peningkatan yang berterusan. Kita mencabar status quo dan mengambil risiko yang telah dipertimbangkan, menerokai idea besar dan kecil yang meningkatkan prestasi harian kita. Kita menyediakan penyelesaian produk dan perkhidmatan yang inovatif kepada Pelanggan kita.
- **KERJA BERPASUKAN - menang bersama-sama.** Kita percaya kesatuan tujuan dan kerja berpasukan membolehkan kita untuk melakukan jauh lebih banyak berbanding dengan yang boleh dilakukan secara individu. Kita mengumpulkan kekuatan daripada satu sama lain dan berkomunikasi dengan adil, jujur, rasa hormat dan keberanian – menyatakan pandangan kita secara hormat meskipun pandangan itu tidak popular. Kerjasama kita mengubah idea yang menarik kepada penyelesaian produk dan perkhidmatan yang hebat.
- **KEBERTANGGUNGJAWABAN - sekarang.** Kita mengotakan janji kita, dan kita menunaikan komitmen kita. Kita mempertanggungjawabkan diri kita dengan satu sama lain ke atas hasil kita. Kita lebih suka untuk bertindak hari ini berbanding esok. Kita faham bahawa nilai diwujudkan di pusat pembangunan produk kita, kilang kita dan di tapak Pelanggan kita.

Tatakelakuan Perniagaan STERIS

- **INTEGRITI - komitmen pengawasan.** Kita adalah penjaga kejayaan jangka panjang perniagaan kita dan pekerja kita. Kita boleh dipercayai dan jujur, dan menjalankan kerja kita secara profesional, beretika dan sah. Kita mencabar tindakan yang tidak selaras dengan nilai-nilai kita.

Dasar Etika dan Pematuhan Global

STERIS plc (“STERIS” atau “Syarikat”) menghendaki semua Rakan Sekutu dalam kumpulan syarikat STERIS plc agar bertanggungjawab secara sah dan beretika dalam semua amalan perniagaan. Kita sangat mengambil berat untuk melestarikan persekitaran kerja yang menggalakkan kejujuran, integriti, hormat, kepercayaan, kepelbagaian dan tanggungjawab. Paling penting, kita bertanggungjawab ke atas tindakan kita dan mematuhi peraturan etika dan undang-undang. Tatakelakuan Perniagaan ini diguna pakai kepada STERIS plc dan semua anak syarikat dan ahli sekutunya.

Tempat Kerja STERIS

Rakan Sekutu STERIS dikehendaki berkelakuan yang wajar untuk persekitaran kerja dan selaras dengan nilai-nilai kita.

Larangan Gangguan dan Diskriminasi

Syarikat komited kepada persekitaran yang bebas daripada gangguan (termasuk gangguan seksual dan pempulian) dan diskriminasi. Oleh itu, dasar STERIS telah melarang gangguan atau diskriminasi disebabkan oleh umur, jantina, kehamilan, bangsa, warna kulit, ketakupayaan, maklumat genetik, agama, status tentera atau veteran. Dasar kita turut menetapkan supaya melarang diskriminasi ke atas sebarang ciri-ciri lain yang dilindungi oleh undang-undang.

Dasar Antitindakan Balas

Dasar STERIS tidak membenarkan sebarang bentuk tindakan balas ke atas mana-mana individu lain kerana melaporkan suatu pelanggaran terhadap Tata ini atau sebarang dasar STERIS yang lain. Tindakan pembalasan adalah dianggap melanggar Tatakelakuan dan akan dikenakan tindakan disiplin yang sejajar dengan situasi tersebut.

Hak Asasi Manusia dan Hak Buruh

Seperti yang diterangkan dalam Dasar Hak Asasi Manusia dan Hak Buruh, STERIS komited untuk menegakkan hak asasi manusia. Kita menentang dan melarang semua bentuk perhambaan, buruh paksa, buruh kanak-kanak atau sebarang bentuk buruh yang dipaksa dalam operasi kita sendiri, atau rantai bekalan kita dan oleh rakan niaga kita. Setiap pekerja STERIS bertanggungjawab untuk melaporkan sebarang kelakuan atau amalan yang mungkin melanggar keperluan ini kepada penyelia mereka dan kepada Jabatan Pematuhan STERIS.

Mematuhi Undang-Undang dan Peraturan

Rakan Sekutu STERIS mesti mematuhi semua undang-undang yang berkuat kuasa. Dasar Syarikat menetapkan bahawa undang-undang dan peraturan yang berkuat kuasa di semua lokasi

Tatakelakuan Perniagaan STERIS

tempat kita menjalankan perniagaan itu difahami dan dipatuhi. Setiap Rakan Sekutu STERIS bertanggungjawab untuk mempelajari dan mematuhi undang-undang dan peraturan yang sewajarnya. Apabila kita bekerja mengikut ketetapan undang-undang yang tersurat, kita membina kepercayaan antara STERIS dengan orang yang kita melakukan perniagaan.

Aktiviti Politik dan Berurusan dengan Kerajaan

Kebanyakan sumbangan kepada calon politik oleh syarikat besar adalah dilarang atau disekat di banyak negara, termasuk Ireland dan Amerika Syarikat. Mengikut undang-undang yang berkuat kuasa, Rakan Sekutu boleh membuat sumbangan politik mengikut kes individu. Rakan Sekutu yang layak di A.S. boleh menyertai Pekerja STERIS PAC secara sukarela. Walau bagaimanapun, Rakan Sekutu tidak boleh menggunakan sumber Syarikat bagi kempen politik tanpa kelulusan daripada Jabatan Undang-Undang dan CEO STERIS.

Pelanggan STERIS merangkumi entiti kerajaan. Undang-undang dan peraturan yang mentadbir transaksi dengan entiti kerajaan mengenakan peraturan dan keperluan khusus yang tidak selalunya ditemukan dalam transaksi dengan pihak persendirian. Rujuk Jabatan Undang-Undang STERIS berhubung dengan transaksi komersial yang mungkin dijalankan dengan entiti kerajaan.

Perekrutan dan pengambilan mantan pegawai atau pekerja kerajaan atau pegawai atau pekerja kerajaan semasa juga tertakluk kepada undang-undang khusus dan sekatan yang mungkin dikenakan. Peraturan ini boleh juga dikenakan kepada ahli keluarga pegawai atau pekerja kerajaan. Hubungi Jabatan Undang-Undang STERIS berkenaan pekerja yang mungkin diambil bekerja daripada pegawai atau pekerja kerajaan.

Antisogokan dan Antirasuah

Sogokan dan rasuah adalah menyalahi undang-undang dan dilarang keras mengikut dasar STERIS dan Tatakelakuan ini. Rakan Sekutu STERIS dan pihak lain yang bertindak bagi pihak STERIS adalah dilarang daripada membenarkan, membayar, menjanjikan atau menawarkan apa-apa kepada mana-mana individu atau entiti untuk mempengaruhi secara tidak wajar mana-mana individu atau entiti semasa menjalankan perniagaan atau untuk memperoleh kelebihan perniagaan. Mana-mana Rakan Sekutu STERIS yang menerima atau meminta sogokan berhubung dengan sesuatu transaksi juga dianggap telah melakukan tindakan yang menyalahi undang-undang.

Sogokan ialah menawarkan, menjanjikan, memberi, meminta atau menerima pendorong untuk sesuatu tindakan yang menyalahi undang-undang, merosakkan, tidak beretika atau melanggar kepercayaan. Rasuah ialah salah guna jawatan atau kuasa awam untuk keuntungan peribadi, atau salah guna kedudukan atau kuasa persendirian berhubung dengan perniagaan STERIS, sama ada kerajaan atau tidak. Penjual, pengedar dan ejen yang diambil perkhidmatannya oleh STERIS adalah terikat oleh sekatan yang sama. Hubungi Jabatan Undang-Undang atau Pematuhan STERIS dengan sebarang soalan atau kebimbangan berkenaan undang-undang ini dan cara untuk mematuhi dasar kita yang menangani soalan dan kebimbangan tersebut.

Tatakelakuan Perniagaan STERIS

Undang-Undang Antitrust dan Persaingan

Rakan Sekutu dimestikan hanya melibatkan diri dengan amalan persaingan yang sah dan beretika demi kepentingan STERIS. Secara umum, pesaing mungkin tidak bersetuju atau mempunyai suatu pengaturan:

- Berkenaan harga yang mereka kenakan, atau terma jualan, untuk barangan atau perkhidmatan, tanpa mengira kesan ekonomi
- Berkenaan jumlah pengeluaran
- Untuk mengelakkan bersaing pada bida atau projek
- Untuk menolak untuk berurusan atau menjalankan transaksi dengan Pelanggan atau pembekal yang dipilih
- Untuk membahagikan atau memperuntukkan Pelanggan, wilayah atau pasaran

Hubungi Jabatan Undang-Undang jika isu ini dialami atau pada bila-bila masa sebarang pengaturan dengan pesaing sedang dipertimbangkan.

Pematuhan Perdagangan Global: Antiboikot dan Sekatan Perdagangan

Apabila mengimport dan mengeksport barangan dan perkhidmatan pada peringkat global, kita bertanggungjawab untuk mematuhi pelbagai sekatan. STERIS bertanggungjawab untuk memahami dan mematuhi undang-undang yang melarang daripada menjalankan perniagaan dengan entiti, individu atau negara tertentu yang telah ditetapkan sekatan perdagangan, dan mematuhi peraturan antiboikot yang berkuat kuasa. Rakan Sekutu STERIS bertanggungjawab untuk kekal memantau destinasi akhir yang dimaksudkan bagi produk dan perkhidmatan kita. Jika amalan perdagangan menimbulkan persoalan, atau jika anda mempunyai keraguan tentang cara untuk mentafsirkan peraturan tersebut untuk negara-negara tertentu, hubungi Jabatan Undang-Undang STERIS.

Dasar Perdagangan Orang Dalam

Rakan Sekutu, pengurus kanan dan pengarah STERIS adalah dilarang daripada terlibat dalam transaksi sekuriti Syarikat semasa memiliki maklumat bukan awam dan boleh juga dilarang daripada terlibat dalam transaksi semasa tempoh "gelap" yang tertentu. Memberikan (atau "memberi tip") maklumat bukan awam yang penting kepada orang lain juga adalah dilarang. Contoh maklumat bukan awam yang penting termasuk data kewangan yang tidak diterbitkan, transaksi Syarikat yang belum selesai (cth. pemerolehan, pemberhentian pelaburan), pembangunan litigasi, siasatan kerajaan dan perubahan pada strategi perniagaan. Kegagalan untuk mematuhi dasar ini boleh menyebabkan sekatan yang serius oleh Syarikat sehingga dan termasuk penamatan pekerjaan. Untuk soalan atau penjelasan tentang Dasar Perdagangan Orang Dalam, hubungi Jabatan Undang-Undang STERIS.

Interaksi dengan Profesional Penjagaan Kesihatan

Dalam tempoh menjalankan perniagaan, banyak Rakan Sekutu STERIS berinteraksi dengan profesional penjagaan kesihatan. Kita memahami bahawa interaksi ini adalah tertakluk kepada sekatan tertentu. Melalui keahlian kita dalam persatuan perdagangan industri, kita bersetuju untuk mematuhi prinsip tertentu semasa berinteraksi dengan profesional penjagaan kesihatan.

Tatakelakuan Perniagaan STERIS

Dalam kalangan persatuan perdagangan industri dengan pihak yang telah kita pilih untuk menyertai adalah Persatuan Teknologi Perubatan Maju (AdvaMed). Syarikat berasa bangga menjadi penyokong Kod Etika AdvaMed tentang Interaksi dengan Profesional Penjagaan Kesihatan A.S. Antara topik lain, Kod AdvaMed menentukan sekatan yang berkaitan dengan hadiah, keraian, derma, hidangan dan lokasi mesyuarat semasa berinteraksi dengan profesional penjagaan kesihatan. Semua Rakan Sekutu STERIS yang berinteraksi dengan profesional penjagaan kesihatan A.S. mesti mematuhi Kod AdvaMed. Soalan berkenaan kod industri, termasuk Kod AdvaMed, hendaklah diajukan terus kepada Jabatan Pematuhan atau Undang-Undang STERIS.

Perhubungan Pihak Ketiga

Perhubungan antara STERIS dan entiti yang menjalankan perniagaan dengan kita, termasuk Pelanggan, pembekal, ejen, pengedar dan agensi kawal selia adalah dikehendaki untuk beretika dan sejajar dengan prinsip yang digariskan dalam Tatakelakuan ini. Perhubungan dengan pihak ketiga, dan juga semua keputusan perniagaan, mestilah berdasarkan yang diperlukan oleh kelakuan secara beretika, perkara yang ditetapkan dalam pematuhan kepada undang-undang, dan demi kepentingan STERIS, dan tidak boleh didorong atau dipengaruhi oleh pertimbangan peribadi.

Konflik Kepentingan

Rakan Sekutu STERIS mesti mengelakkan situasi yang menimbulkan konflik kepentingan peribadi, atau kelihatan berkonflik, dengan kepentingan Syarikat atau Pelanggannya. Konflik kepentingan wujud apabila seseorang Rakan Sekutu mempunyai kepentingan persendirian, peribadi atau komersial yang berkemungkinan mempengaruhi atau berkonflik dengan kewajipan mereka dari STERIS.

Contoh-contoh konflik kepentingan termasuk:

- Kepentingan kewangan peribadi yang mungkin mempengaruhi pertimbangan perniagaan yang wajar bagi pihak STERIS
- Maklumat sulit Syarikat yang digunakan untuk kepentingan peribadi
- Kepentingan pekerjaan atau perniagaan yang lain yang menjejaskan prestasi kerja untuk STERIS
- Hadiah atau keraian yang boleh secara munasabah dianggap mempengaruhi secara tidak wajar perhubungan perniagaan STERIS dengan, atau mewujudkan kewajipan kepada Rakan Sekutu, Pelanggan, pembekal atau kontraktor lain.

Sebarang aktiviti yang dilakukan oleh Rakan Sekutu yang berkemungkinan mewujudkan konflik kepentingan, atau yang boleh mewujudkan gambaran konflik kepentingan, hendaklah dikemukakan kepada Jabatan Audit Dalaman, Pematuhan atau Undang-Undang STERIS.

Melindungi Aset Syarikat

Pengurusan Maklumat dan Rekod Perakaunan

Undang-undang yang sedia ada menghendaki ketepatan dalam pencatatan semua transaksi, termasuk jualan harta, inventori atau perkhidmatan. Semua pertukaran dana Syarikat mesti dicatatkan dalam rangka kerja prinsip perakaunan yang boleh diterima secara umum. Sebarang

Tatakelakuan Perniagaan STERIS

transaksi "di luar rekod" adalah dilarang keras. Pemusnahan mana-mana dokumen atau rekod, terutama sekali yang bersifat kewangan, sebelum tamat tempoh pengekalan adalah menyalahi undang-undang dan tertakluk kepada penalti.

Tindakan memalsukan rekod, ketakdedahan transaksi, atau memusnahkan dokumen untuk mengelakkan tanggungjawab undang-undang adalah dianggap pelanggaran terhadap Tatakelakuan dan boleh menyebabkan liabiliti sivil atau jenayah. Hubungi Jabatan Perakaunan, Undang-Undang atau Kawal Selia STERIS jika anda mempunyai soalan atau kebimbangan tentang keperluan penyimpanan rekod.

Hak Milik Intelektual dan Maklumat Sulit

Rakan Sekutu STERIS boleh mempunyai akses kepada maklumat sulit atau proprietari yang dimiliki oleh Syarikat. Maklumat sulit tersebut mestilah tidak didedahkan kepada pihak ketiga tanpa kelulusan yang wajar.

Maklumat sulit adalah maklumat yang tidak diketahui secara umum atau disediakan secara umum kepada pihak lain di luar Syarikat. Contoh-contoh maklumat sulit termasuk pengetahuan dan data teknikal, rahsia perdagangan, rancangan perniagaan, program pemasaran dan jualan dan angka jualan. Maklumat itu termasuk maklumat yang berkaitan dengan penggabungan dan pemerolehan, pemisahan saham, divestitur, aktiviti pelesenan dan perubahan dalam pengurusan kanan.

Maklumat peribadi tentang Rakan Sekutu STERIS seperti gaji, faedah dan maklumat yang terkandung dalam fail peribadi juga dianggap sulit. Jika anda tidak pasti sama ada anda boleh mendedahkan maklumat kepada pihak ketiga, hubungi penyelia anda atau Jabatan Pematuhan atau Undang-Undang STERIS. Sebarang pertanyaan daripada institusi kewangan, media atau pihak ketiga yang lain mesti dikemukakan kepada Jabatan Komunikasi Korporat atau Jabatan Undang-Undang STERIS.

Integriti Kualiti dan Pemasaran

Semua Rakan Sekutu mesti mematuhi kawalan berkenaan dengan kelulusan kawal selia produk, keperluan amalan pengilangan yang baik, reka bentuk, pelabelan, pengiklanan dan kawalan lain yang berkenaan. Pemasaran produk dan perkhidmatan STERIS mesti dilakukan dengan jujur dan integriti, memastikan STERIS kekal menjadi nama yang dipercayai dan kita terus mengekalkan reputasi kita sebagai entiti yang boleh dipercayai. Pengiklanan palsu bagi sesuatu produk atau mendokumenkan perkembangan sesuatu produk dengan cara yang tidak tepat adalah tidak beretika dan boleh menyebabkan tindakan disiplin. Untuk soalan atau kebimbangan berkenaan dengan peraturan produk, rujuk Jabatan Undang-Undang STERIS.

Kesihatan, Keselamatan dan Persekitaran

STERIS komited kepada kelestarian dan untuk membantu Pelanggan kita untuk mewujudkan dunia yang lebih sihat dan lebih selamat. Kita bertanggungjawab untuk mengekalkan prinsip ini demi kepentingan Rakan Sekutu dan komuniti kita untuk menjadi jiran yang baik.

Undang-undang persekitaran dan kesihatan dan keselamatan adalah rumit, tertakluk kepada

Tatakelakuan Perniagaan STERIS

perubahan yang kerap dan berbeza-beza dari negara ke negara. Tindakan mematuhi undang-undang ini akan menunjukkan rasa hormat kepada persekitaran dan antara satu sama lain. Rakan Sekutu hendaklah mendapatkan nasihat daripada Jabatan Kesihatan, Keselamatan dan Persekitaran Rakan Sekutu atau Jabatan Undang-Undang STERIS tentang penggunaan undang-undang ini dan pematuhan dengan dasar STERIS, yang mungkin lebih ketat daripada undang-undang yang berkuat kuasa.

Keselamatan Tempat Kerja

Semua Rakan Sekutu STERIS bertanggungjawab ke atas keselamatan dan kesejahteraan mereka sendiri dan rakan sejawat mereka. Kita semua berkewajipan untuk melaporkan tindakan atau situasi yang tidak selamat dan untuk mengetahui tindakan seterusnya jika kita terlibat dalam perbuatan yang tidak selamat.

Selain itu, kita berkewajipan untuk memahami cara untuk selamat di tempat kerja dan mematuhi dasar dan prosedur yang sewajarnya. Contohnya, kita perlu memakai peralatan perlindungan diri yang sesuai, mengetahui jalan keluar sekiranya berlaku kebakaran, dan mengetahui pihak untuk dihubungi untuk mendapatkan bantuan sekiranya berlaku kebimbangan keselamatan. Sebarang pemerhatian yang berbahaya atau tidak selamat mesti segera dilaporkan kepada penyelia anda dan wakil Kesihatan, Keselamatan dan Persekitaran yang sewajarnya.

Kelestarian

STERIS telah memberi tumpuan terhadap amalan perniagaan yang lestari selama bertahun-tahun, dengan banyak kerja yang baik telah dilakukan di seluruh operasi dan di seluruh dunia. Kelestarian di pusat STERIS di sekeliling empat bahagian penting:

- Amalan Perniagaan yang Beretika – Kita menjangkakan kelakuan yang beretika dalam semua urusan kita, yang termasuk mematuhi semua undang-undang dan peraturan semasa menjalankan transaksi perniagaan dan bertindak secara telus.
- Tenaga dan Pemulihan – Kita komited untuk menyingkirkan sisa dan menggunakan sumber dengan bertanggungjawab.
- Pekerja dan Komuniti – Kita melibatkan Rakan Sekutu dengan kerja yang bermakna, peluang pendidikan dan bantuan peribadi yang berterusan. Kita mendengar idea pekerja kita dan menggabungkannya ke dalam proses kita. Kita menolak semua bentuk diskriminasi, gangguan dan keganasan.
- Kesihatan & Keselamatan Persekitaran – Kita menggalakkan budaya keselamatan di seluruh Syarikat. Semua orang bertanggungjawab ke atas keselamatan dan kesejahteraan satu sama lain. Kita beringat tentang situasi yang tidak selamat atau kelakuan yang tidak mesra alam sekitar dan meminimumkan atau menyingkirkannya apabila kita menyaksikannya.

Privasi dan Penggunaan Media Sosial

Perlindungan dan Privasi Data

Rakan Sekutu STERIS yang mengendalikan data peribadi mesti memastikan data diproses mengikut dasar kita dan mesti melaporkan sebarang kejadian keselamatan yang disyaki kepada penyelia mereka dan Pegawai Perlindungan Data STERIS. Dasar STERIS menetapkan untuk

Tatakelakuan Perniagaan STERIS

hanya memproses mengikut undang-undang yang berkuat kuasa. Langkah-langkah teknikal dan organisasi yang sewajarnya hendaklah diambil terhadap pendedahan atau pemrosesan data peribadi yang tidak dibenarkan dan terhadap kehilangan atau pemusnahan, atau kerosakan, kepada data peribadi yang tidak disengajakan.

Data peribadi boleh dipindahkan oleh STERIS antara bidang kuasa untuk tujuan yang digariskan dalam dasar privasi kita dan notis perlindungan data peribadi Rakan Sekutu kita. Dalam keadaan yang sedemikian, STERIS akan mengambil semua langkah-langkah yang sah untuk memberikan perlindungan yang secukupnya kepada data peribadi yang dipindahkan.

Sebarang soalan berkaitan dengan perlindungan dan privasi data hendaklah diarahkan kepada Pegawai Perlindungan Data STERIS di dataprotection@steris.com.

Penggunaan Sumber STERIS

Sumber STERIS, termasuk e-mel, mel suara, komputer dan dokumen adalah hak milik Syarikat dan boleh dipantau pada bila-bila masa mengikut undang-undang yang berkuat kuasa. Privasi komunikasi yang dihantar melalui cara ini tidak dapat dijamin. Walaupun Syarikat akan mengambil langkah-langkah yang diperlukan oleh undang-undang untuk menghormati privasi komunikasi yang disimpan pada sumber STERIS, Rakan Sekutu hendaklah berwaspada untuk tidak menggunakan sumber ini untuk menghantarkan mesej yang mereka tidak mahu disemak oleh STERIS.

Penggunaan Media Sosial

Rakan Sekutu mesti memahami bahawa dasar dan keperluan STERIS tentang menyampaikan maklumat STERIS berkuat kuasa apabila Rakan Sekutu berada "dalam talian," setakat yang sama seperti yang dikenakan ketika "di luar talian". Penggunaan alatan seperti video, blog, wiki, podcast (audio siar) dan rangkaian sosial masih memerlukan keprofesionalan, ketelusan, kelakuan yang beretika dan ketakdedahan maklumat proprietari. Untuk sebarang soalan tentang penggunaan media sosial yang sewajarnya sebagai Rakan Sekutu STERIS, sila hubungi Jabatan Komunikasi Korporat.

Tindakan Disiplin dan Talian Bantuan STERIS

Pelanggaran Tata dan Dasar

Pelanggaran terhadap Tatakelakuan ini, undang-undang dan peraturan yang mentadbir perniagaan Syarikat, atau sebarang Dasar atau keperluan Syarikat yang lain boleh menyebabkan tindakan disiplin, termasuk dan sehingga penamatan pekerjaan.

Di mana untuk mendapatkan Bantuan

Soalan atau kebimbangan boleh timbul tentang subjek yang dibincangkan dalam Tatakelakuan ini. Untuk mendapatkan kejelasan tentang topik ini atau jawapan kepada soalan atau situasi pematuhan, atau jika anda tidak pasti tentang "tindakan betul untuk dilakukan", bercakap dengan Penyelia anda. Jika anda tidak dapat menyampaikan dengan berkesan pemerhatian atau hal

Tatakelakuan Perniagaan STERIS

berkaitan pematuhan dengan bercakap dengan Penyelia anda, sila hubungi wakil salah satu daripada jabatan dalam STERIS seperti berikut:

- Sumber Manusia
- Audit Dalaman
- Kualiti
- Pematuhan
- Undang-Undang

Jika melaporkan melalui saluran yang disenaraikan di atas tidak dapat dilaksanakan, isu berkaitan pematuhan boleh dilaporkan melalui telefon atau dalam talian melalui:

- Talian Bantuan Integriti STERIS
- Talian Web Integriti STERIS

Talian Bantuan Integriti STERIS dan Talian Web Integriti STERIS adalah saluran komunikasi yang boleh anda gunakan jika anda rasa anda tidak dapat menyampaikan pemerhatian atau hal berkaitan pematuhan anda dengan berkesan dengan bercakap dengan penyelia anda atau jabatan yang disenaraikan di atas. Walau bagaimanapun, Talian Bantuan dan Talian Web Integriti STERIS tidak menggantikan saluran komunikasi tradisional yang sememangnya telah disediakan. Jika anda rasa anda boleh pergi kepada penyelia anda atau jabatan Sumber Manusia, anda digalakkan untuk berbuat demikian kerana ini seringkali merupakan cara yang paling berkesan untuk memberitahu kebimbangan anda dan mendapatkan bantuan yang anda perlukan.

Untuk hal-hal yang dilaporkan dengan jujur, laporan yang dibuat pada Talian Bantuan dan Talian Web Integriti STERIS adalah dibuat tanpa tindakan balas. Untuk membantu Syarikat menyiasat hal tersebut dengan tepat dan cepat sepenuhnya, anda digalakkan untuk memberikan butiran tentang kebimbangan anda. Anda juga mempunyai pilihan untuk kekal tanpa nama. Apa yang penting adalah bersuara dan melaporkan sebarang pelanggaran terhadap Tatakelakuan kita. Butiran tentang cara menggunakan Talian Bantuan dan Talian Web diperincikan di bawah untuk rujukan.

Pelaporan Talian Bantuan Integriti

Untuk melaporkan isu yang tidak beretika atau berkaitan dengan pematuhan melalui telefon, anda boleh menggunakan Talian Bantuan Integriti STERIS dengan mendaikan nombor telefon untuk negara di tempat anda berada. NAVEX Global, pentadbir pihak ketiga bagi Talian Bantuan, menggunakan Perkhidmatan Bebas Tol Antarabangsa untuk panggilan kita. Pengecualiannya adalah Costa Rica dan India, yang menggunakan AT&T Direct System, dan pendaillan adalah proses dua langkah. Lihat di bawah untuk mendapatkan butiran.

Tatakelakuan Perniagaan STERIS

Nombor Telefon Talian Bantuan Integriti

Belgium 0800-81-992	Finland 0800-774282	Ireland 1800-800725	Belanda 0800-020-0849	Sepanyol 900-822-590
Brazil 0800-047-4167	Perancis 0805-54-24-77	Itali 800-902-931	Singapura 1-800-622-7295	Switzerland 0800-001-311
Kanada 1-855-326-9721	Jerman 0800-7243728	Jepun 844-627-6887 <i>NTT:</i> 0034-811-001 <i>KDDI:</i> 00-539-111 <i>Softbank</i> <i>Telecom:</i> 00-663-5111	Republik Slovak 0800-141-665	Thailand 1800-011-569
Costa Rica 855-607-8702 <i>Kod akses:</i> 0-800-011-4114 0-800-225-5288 0-800-228-8288	Hungary 06-800-21-501	Malaysia 1-800-88-5782	Slovenia 080828025	United Kingdom 0800-028-3391
China 400-9-906-644	India 855-607-8702 <i>Kod akses:</i> 000- 117	Mexico 1-800-253-0492	Afrika Selatan 0800-167452	Amerika Syarikat 1-855-326-9721
Republik Czech 0800-050-195				

Perkhidmatan Bebas Tol

1. Dail nombor telefon khusus negara/pembawa anda. Ini ialah panggilan percuma.
2. Anda boleh memilih untuk memberikan laporan anda dalam bahasa Inggeris atau bahasa natif anda. Anda akan mendengar mesej rakaman dalam bahasa natif anda yang menerangkan tentang proses panggilan.
3. Seorang wakil yang bertutur bahasa Inggeris akan memulakan prosesnya. Beliau kemudiannya akan membawa anda ke dalam panggilan sidang dengan penterjemah yang bercakap dalam bahasa natif anda untuk membantu anda bagi menyelesaikan laporan anda.

AT&T Direct Service (Costa Rica dan India)

1. Dail kod akses khusus negara anda untuk menghubungi AT&T.
2. Apabila diminta, masukkan 855-607-8702 untuk disambungkan kepada NAVEX Global.

Tatakelakuan Perniagaan STERIS

3. Anda boleh memilih untuk memberikan laporan anda dalam bahasa Inggeris atau bahasa natif anda. Anda akan mendengar mesej rakaman dalam bahasa natif anda yang menerangkan tentang proses panggilan.
4. Seorang wakil yang bertutur bahasa Inggeris akan memulakan prosesnya. Beliau kemudiannya akan membawa anda ke dalam panggilan sidang dengan penterjemah yang bercakap dalam bahasa natif anda untuk membantu anda bagi menyelesaikan laporan anda.

Pelaporan Talian Web Integriti

Jika anda tidak dapat menyampaikan dengan berkesan pemerhatian atau hal berkaitan pematuhan dengan Penyelia, Sumber Manusia, Audit Dalaman, Jabatan Pematuhan atau Undang-Undang, boleh dilaporkan secara dalam talian melalui Talian Web Integriti STERIS: www.reportlineweb.com/Steris

Rumusan

STERIS komited kepada Rakan Sekutu kita dan entiti yang menjalankan perniagaan dengan kita. Syarikat percaya Rakan Sekutu akan kekal jujur, menghormati dan bertanggungjawab dalam semua kelakuan perniagaan. Tatakelakuan ini meringkaskan jangkaan etika untuk kelakuan yang perlu difahami dan amalkan oleh semua Rakan Sekutu. Dasar tambahan yang menyokong Tatakelakuan ini adalah tersedia kepada semua Rakan Sekutu. Untuk sebarang soalan atau penjelasan, hubungi penyelia anda, ahli lain daripada pengurusan STERIS, atau salah satu jabatan yang disenaraikan di atas untuk mendapatkan panduan.

STERIS plc • 70 Sir John Rogerson's Quay,

Dublin 2 • Ireland • 800-548-4873 • www.steris.com

Berdaftar di Ireland No. 595593

Dokumen # M3936EN Rev.F©2020 STERIS. Hak cipta terpelihara.